

### 0.0.1 bhāvanāsuttaṃ

1. iddhiñca<sup>1</sup> vo bhikkhave, desessāmi iddhipādañca iddhipādabhāvanañca iddhipādabhāvanāgāminiñca paṭipadaṃ. taṃ suṇātha.

2. katamā ca bhikkhave, iddhi? idha bhikkhave, bhikkhu anekavihiṭaṃ iddhividhaṃ paccanubhoti: ekopi hutvā bahudhā hoti, bahudhāpi hutvā eko hoti, āvībhāvaṃ tirobhāvaṃ tirokuḍḍaṃ tiropākāraṃ tiropabbataṃ asajjamānova gacchati, seyyathāpi ākāse, paṭhaviyāpi ummujjanimujjaṃ karoti seyyathāpi udaye, udaye pi abhiṃjāmaṇo gacchati seyyathāpi paṭhaviyaṃ, ākāse pi pallaṅkena kamati seyyathāpi pakkhī saṃuṇṇo, ime pi candimasuriye evaṃ mahiddhike evaṃ mahānubhāve pāṇinā parāmasati, parimajjati, yāva brahmaloḷkāpi kāyena vasaṃ vatteti. ayaṃ vuccati bhikkhave iddhi.

3. katamo ca bhikkhave, iddhipādo, yo bhikkhave, maggo yā paṭipadā iddhipaṭilābhāya<sup>2</sup> saṃvattati. ayaṃ vuccati bhikkhave, iddhipādo.

4. katamā ca bhikkhave, iddhipādabhāvanā? idha bhikkhave, bhikkhu chandasamādhīpadhānasāṅkhārasamannāgataṃ iddhipādaṃ bhāveti, viriyasamādhīpadhānasāṅkhārasamannāgataṃ iddhipādaṃ bhāveti, cittasamādhīpadhānasāṅkhārasamannāgataṃ iddhipādaṃ

<sup>1</sup>iddhiṃ-machasaṃ.

<sup>2</sup>iddhilābhāya iddhipaṭilābhāya- machasaṃ, syā.

bhāveti vīmaṃsāsamādhipadadhānaśaṅkhārasamannāgataṃ iddhipādaṃ bhāveti ayaṃ vuccati bhikkhave, iddhipādabhāvanā.

5. katamā ca bhikkhave, iddhipādabhāvanāgāminī paṭipadā? ayaṃ ariyo aṭṭhaṅgiko maggo. seyyathīdaṃ: sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. ayaṃ vuccati bhikkhave, iddhipādabhāvanāgāminī paṭipadāti.